



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-14-24882-5/19 BT
Sarajevo, 21.08.2019.godine

Na osnovu člana 64. Stav (1) tačka b) i člana 70. stav (1), (3) i (6) Zakona o javnim nabavkama („Sl. glasnik BiH“ broj:39/14), te Preporuke Komisije u postupku javne nabavke pod nazivom „Redovno mjesečno održavanje Siemens parkomata na području Kantona Sarajevo“ br: 04-14-24882-4/19 BT od 16.08.2019.godine, Ministar saobraćaja Kantona Sarajevo d o n o s i:

O D L U K U
o izboru najpovoljnijeg ponuđača

Član 1.

Prihvata se Preporuka Komisije za nabavku u postupku javne nabavke: „Redovno mjesečno održavanje Siemens parkomata na području Kantona Sarajevo“, te ugovor dodjeljuje ponuđaču **Intertraffic d.o.o. Banja Luka**, prema dostavljenoj ponudi br: 04-14-28465 od 16.07.2019. godine u ukupnoj vrijednosti od **58.485,96 KM sa PDV-om.**

Član 2.

Prijedlog Ugovora dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 5 (pet) dana, nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku, ili dostavi neprihvatljive dokaze ova Odluka će se poništiti.

Član 3.

Ova Odluka objavit će se na web stranici ugovornog organa [www:http:ms.ks.gov.ba](http://www.ms.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 04-14-24882-1/19 BT od 24.06.2019. godine – „Redovno mjesečno održavanje Siemens parkomata na području Kantona Sarajevo“. Javna nabavka je provedena putem postupka: Otvoreni postupak. Vrijednost javne nabavke bez PDV-a iznosi 50.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1242-1-2-21-3-7/19 dana 25.06.2019. godine u 13:36h.



Rok za dostavu ponuda bio je 16.07.2019. godine do 11,00 h.

Za navedenu nabavku u predviđenom roku i uredno zatvorenim kovertama, dostavljene su ponude ponuđača:

- **Intertraffic d.o.o. Banja Luka**

- **ProcessControl d.o.o. Sarajevo**

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-14-24882-2/19 BT od 24.06.2019.godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa. Zapisnik o pregledu i ocjeni ponuda broj: 04-14-24882-4/19 BT od 16.08.2019. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda dva (2)

- da su blagovremeno zaprimljene dvije (2) ponude

- da nema neblagovremeno zaprimljenih ponuda

- da je ponuđač Intertraffic d.o.o. Banja Luka dostavio ponudu koja je u okviru procijenjene vrijednosti javne nabavke, te da ista ispunjava formalno-pravne uslove za učešće, kao i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda u kojem je utvrđeno slijedeće:

1) Ponuđač ProcessControl d.o.o. Sarajevo, nije ispunio uvjet iz tenderske dokumentacije a koji se odnosi na tražene dokaze o tehničkoj i profesionalnoj sposobnosti, prema zahtjevima iz tenderske dokumentacije- član 48.-51.

A)Ponuđač je dužan da u skladu sa članom 51. tačka a) obezbjediti dokaze da je u posljednje tri godine (2016., 2017. i 2018.) ili od dana registracije, odnosno početka poslovanja, ako je ponuđač registriran, odnosno počeo raditi prije manje od tri godine, imao uspješno realizovane ugovore ukupne vrijednosti od minimalno 50.000,00 KM (sa PDV-om) i više, na poslovima održavanja parkomata. Dokaz o uredno izvršenim ugovorima podnosi se u skladu sa članom 48. stav 2. ZJN, u formi spiska izvršenih ugovora i uz potvrdu koju daje druga ugovorna strana o njihovoj realizaciji.

Potvrda o uredno izvršenim ugovorima u skladu sa članom 48. stav 3. ZJN mora da sadrži slijedeće podatke:

- Naziv i sjedište ugovornih strana ili privrednih subjekata;
- Predmeta ugovora;
- Vrijednost ugovora;
- Vrijeme i mjesto izvršenja ugovora;
- Navode o uredno izvršenim ugovorima.

Ponuđač nije ispunio uslov prema zahtjevima iz tenderske dokumentacije iz razloga što podaci na referenc listi dostavljenoj u predmetnoj ponudi ne odgovaraju dostavljenim potvrdama o uredno izvršenim ugovorima, odnosno ugovori koji se potvrđuju dostavljenim potvrdama nisu navedeni u referens listi.

Na referens listi strana 32. ponude u nazivu investitora naznačeno je City Park d.o.o., predmet ugovora projektovanje instalacija i puštanje u rad parking opreme za period 2014/2015/2016, te KJP Centar Skenderija Sarajevo, predmet ugovora projektovanje, instalacija i puštanje u rad parking opreme za period 2014/2015/2016., što nije u skladu sa uslovima propisanim tačkom 2.2 Tehnička i profesionalna sposobnost- član 48.-51. Zakona, obzirom da se iz navedenog da zaključiti da je predmet ugovora nabavka robe, dok se u predmetnoj javnoj nabavci radi o uslugama održavanja.



Potvrda izdata od strane City Park d.d. Sarajevo dana 10.07.2019. godine, kao predmet ugovora navodi Usluge održavanja i servisiranja parking automata, parking opreme i Siemens Parking Management Systema u javnoj garaži za potrebe City Park d.d., vrijednost ugovora za 2016,2017 i 2018. godinu sa PDV-om iznosi 83.397,00 KM, dok se u istoj ne nalazi podatak o mjestu izvršenja ugovora prema članu 48. stav (3) Zakona o javnim nabavkama.

Potvrda izdata od strane KJP Centar Skenderija br: 3469/19 od 10.07.2019. godine, predmet ugovora „Usluge servisiranja parking sistema (SIEMENS Designe), sa uključenim isporukama rezervnih dijelova i kartica“, ukupna vrijednost servisa za 2017/2018. godinu sa PDV-om iznosi 58.476,60 KM, dok se u istoj ne nalazi podatak o mjestu izvršenja ugovora prema članu 48. stav (3) Zakona o javnim nabavkama. Također, ugovor koji se navodi u potvrdi izdatoj od strane KJP Centar Skenderija a koji se odnosi na servisiranje za period 2017/2018. godina nije naveden u referens listi.

B) Ponuđač je dužan dokazati tehničke i profesionalne sposobnosti kroz posjedovanja vlastitog servisa ili zakupljenog prostora namijenjenog toj svrsi. Navedena tehnička i profesionalna sposobnost se zahtijeva u smislu člana 50. stav (1) tačka e) Zakona o javnim nabavkama.

Ponuđač je dostavio izjavu o posjedovanju vlastitog servisa br: 701-1507-PDM/19 od 15.07.2019. godine, na strani br.34, međutim nije ispunio uslov iz tenderske dokumentacije obzirom da nije dostavio kopiju traženih certifikata prema zahtjevima iz tenderske dokumentacije a koji se odnose na „Siemens distribution partner MO RC-AT MM-ITS ITE S“ certifikat izdat od strane „Siemens Intelligent Traffic Systems & Innovative Technologies (ITS&ITE) Austrija“ i Siemens Austrija „Manufacturer Authorisation Form“ koji se konkretno odnosi na ovaj tender.

C) Izjavu o angažiranom tehničkom osoblju koji posjeduju certifikat o osposobljenosti ili tehničkim organima, a za koje se ne može zahtijevati da su zaposleni kod ponuđača. Navedena tehnička i profesionalna sposobnost se traži u smislu odredbi člana 50. stav 1. tačka c), uz koju se prilažu Uvjerenje PIO/MIO sa spiskom zaposlenih (ili dokazi o angažmanu) i kopije traženih certifikata iz projektnog zadatka (Prilog 12.).

Ponuđač nije dokazao tehničku i profesionalnu sposobnost, odnosno da ima angažovano tehničko osoblje koji posjeduju certifikat o osposobljenosti propisanim tenderskom dokumentacijom, a koji moraju sadržavati program obuke prema projektnom zadatku (Prilog 12).

Dostavljeni Certifikat na ime Mustafić Zijad ne sadrži podatke o pohađanju obuke u skladu sa zahtjevima iz Priloga 12. tenderske dokumentacije.

Nadalje, tačkom 4. Tenderske dokumentacije Podaci o ponudi pod 1), m) propisano je da ponuda mora da sadrži uredno popunjen i potpisan nacrt okvirnog sporazuma (Prilog 11.).

Ponuđač ProcessControl d.o.o. Sarajevo u ponudi br: 04-14-28466, na strani br.55 Okvirni sporazum tačka 3. Cijena i uslovi plaćanja podtačka 3.2. nije upisao rok plaćanja.

Na osnovu svega navedenog Komisija cijeni da ponuđač ProcessControl d.o.o. Sarajevo, nije dostavio formalno pravno ispravnu ponudu, te da ponuda navedenog ponuđača ne ispunjava zahtjeve propisane tenderskom dokumentacijom.

U skladu sa kriterijumom za dodjelu ugovora “najniža cijena”, **ugovor se dodjeljuje ponuđaču Intertraffic d.o.o. Banja Luka u ukupnoj vrijednosti nabavke 58.485,96 KM (sa PDV-om).** Za predmetnu nabavku će se zaključiti ugovor.

Pouka o pravnom lijeku: Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **10 (deset) dana** od dana



prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



Prilog:

1. - Zapisnik o pregledu i ocjeni ponuda broj: 04-14024882-4/19-BT od 16.08.2019.godine sa svim priložima

Dostaviti:

- Intertraffic d.o.o. Banja Luka
Ul. M. Stojanovića br.4, 78000 Banja Luka
- ProcessControl d.o.o. Sarajevo
Ul. Topal Osman Paše 18A, 71000 Sarajevo
- Evidenciji
- Arhivi

